

یوہنّائے سئیمی کاگد

يوهناۓ سئیمی کاگد

© 2019 Wycliffe Bible Translators, Inc.

گون باپیلئے رجانک کنوکین ٹیمئے کمکا

[Creative Commons Attribution-NonCommercial-NoDerivatives 4.0 International License](#)

یوهنائے سئیمی کاگد

دُرود

۱ چه کلیسائے کماشے نیمگا په دُردانگین گایوسا که په دل منا سک دوست انت.
۲ او دُردانگ! دوا کنان که تئی سجھین کار په شری دیما برئونت و تئی جسم و جان، هم تئی روھے پئیما دراہ و سلامت ببیت.^۳ باز گل و شادان بوتان که لھتین سنگت آتك و گواہی اش دات که تئو راستیئے پیادار ائے، بزان وتی زندا راستیئے سرا گوازینگا ائے.^۴ هچ چیز منا چه إشیا گیشتہ شادان نکنت که پشکنان منی چک راستیئے سرا زند گوازینت.

براتانی مدت کنگ

۵ او دُردانگ! تئو براتانی^۵ سجھین کاران گون وپاداریا کنے، تُرے آ بیگانگ بینت.^۶ آیان، باورمندانی دیما په تئی مهرا گواہی داتگ. اے سکین شرین کارے بیت که تئو آیان هما پئیما سات و سپرا رئوان بکنے که ھدائے رزا انت.^۷ چیا که آ په هما نامئیگی^۸ سر گپتگاںت و چه ناباوران^۹ کُمکے نگپتگش.^{۱۰} گرا ما باید انت چشین مردمان مدت بکنین، تان ما په راستیئے دیما برگا همکار ببین.

۹ چیز په کلیسایا نبشتگن، بله دیوٹرپیس که مستریئے لوتُوك انت، مئے اهتیارا نمیت.^{۱۱} وھدے وت بیایان، آیئے کارانی هساب و کتابا کنان، چیا که مئے ھلاپا دروگین بھتام شنگ و تالان کنگا انت. په اینچکا هم بس نکنت، براتان وش آتك نکنت و آ دگران هم که براتان وش آتك کنگ لوتنت په اے کارا نئیلیت و آیان چه کلیسایا در کنت و گلینیت.
۱۱ او دُردانگ! بدیئے رندگیریا مکن، نیکیئے رندگیریا بکن. هرکس که نیکی کنت چه ھدائے نیمگا انت، بله آ که بدی کنت هدایی ندیستگ.^{۱۲} سجھینان، دیمیشیروسئے بارئوا شرین گواہی داتگ، تنتنا راستیئے چندا هم. ما هم همے ڈنولا گواہی دئین و وَ زانے که مئے گواہی راست و برهک انت.

گُدی هبر

۱۳ بازین چیزے هستآت که په تئو بنبشتینان، بله نلؤثان گون کلم و کاگدا بینت.^{۱۴} اُمیتوار آن که په همے زوتان ترا بگندان و دیم په دین گپ و ٿران بکنین.

۱۵ ترا سُهل و آسودگی سر بات! دوست ترا دُرود و درهبات گوشنت. تئو هم دوستان یک یکا په نام، دُرود و درهبات سر کن.

۵:۱^a «براتئے» مانا هر باورمند انت، مردین و جنین.

۷:۱^b بزان ایسا مسیھئے نام.

۷:۱^c آسلیگین یونانی نبشتانک گوشیت: «چه درکئومان».